

AFGREIDD ÞINGMÁL KVENNALISTANS 1983 - 1987
FYRSTA KJÖRTÍMABILIÐ

ÞINGSÅLYKTUNARTILLÖGUR

Samþykktar:

1. Tillaga um könnun á rannsókn og meðferð nauðgunarmála og úrbætur í þeim eftum. Tillagan hljóðar svo "Alþingi ályktar að fela dómsmálaráðherra að skipa fimm manna nefnd er kanni hvernig háttar er rannsókn og meðferð nauðgunarmála og geri tillögur til úrbóta í þeim eftum." Samþykkt vorið 1984.
Nefnd var skipuð þá um vorið sem Guðrún Agnarsdóttir á sæti í og mun nefndin væntanlega skila af sér nú í haust.
2. Tillaga um kennslugagnamiðstöðvar í öllum fræðslumiðstöðvum. Tillagan hlóðar svo "Alþingi ályktar að skora á ríkisstjórnina að láta kanna, í samstarfi við samtök sveitarfélaga og fræðsluskrifstofur í öllum landshlutum, hvernig hagkvæmast sé að auðvelda skólum aðgang að námsgögnum, kennslutækjum og hjálparbögnum þannig að tryggt verði að allir nemendur, hvar sem þeir búa á landinu, geti hagnýtt sér fjölbreytt kennslugögn í námi." Samþykkt vorið 1985.
3. Tillaga um kerfisbundna leit að brjóstakrabba meini. Tillagan hljóðar svo "Alþingi ályktar að skora á ríkisstjórnina að beita sér fyrir því, svo fljótt sem verða má, að komið verði á kerfisbundinni leit að brjóstakrabba meini hjá konum með brjóstamyndatöku (mammografi). Samþykkt vorið 1985. Fjármagn til þessa verkefnis var hins vegar ekki tryggt fyrr en á fjárlögum fyrir árið 1987.
4. Tillaga um að meta heimilisstörf til starfsreynslu á vinnumarkaði og þar með til launa. Tillagan hljóðar svo "Alþingi ályktar að meta skuli til starfsreynslu heimilis- og umönnunarstörf sem unnin eru launalaust, þegar um hliðstæð störf er að ræða. Jafnframt felur Alþingi ríkisstjórn að láta athuga með hvaða hætti megi meta slika starfsreynslu þegar um óskyld eða sérhæfð störf er að tefla." Samþykkt vorið 1986.

5. Tillaga um úrbætur í ferðapjónustu. Tillagan hljóðar svo "Alþingi ályktar að fela samgönguráðherra að láta gera úttekt á aðstöðu til feðapjónustu á helstu ferðamannastöðum í einstökum landshlutum. Úttektin skla m.a. ná til gistiaðstöðu, veitingapjónustu, samgangna, leiðsögu og leiðamerkinga, eftirlits, aðgangs að áhugaverðum stöðum, upplýsingapjónustu og hreinlætisaðstöðu. Á grundvelli slikrar úttektar skal gerð áætlun um úrbætur. Verk þetta skal unnið í samráði við ferðamálasamtök landshlutanna." Samþykkt vorið 1986.
6. Tillaga um fræðslu meðal almennings um kynferðismál. Samþykkt vorið 1987. Tillagan hljóðar svo "Alþingi ályktar að fela heilbrigðisráðherra að efla verulega fræðslu um kynferðismál meðal almennings með það að meginmarkmiði að koma í veg fyrir ótímaþærar þunganir og hindra útbreiðslu sjúkdóma. Sérstök áhersla skal lögð á að upplýsa fólk á aldrinum 15-19 ára um kynlif og getnaðarvarni."
7. Tillaga um að fela ríkisstjórninni að undirbúa tillögur um lifeyrisréttindi þeirra sem eingöngu sinna heimilis- og umönnunarstörfum og leggja þær fyrir Alþingi eigi síðar en 1. nóvember 1987, var samþykkt vorið 1987. Þessi tillaga tók mið af tveim tillögum um þetta efni og frumvarpi Kvennalistans um lifeyrisréttindi húsmæðra.

Visað til ríkisstjórnarinnar

8. Tillaga um athvarf fyrir unga fíkniefnaneytendur. Og hljóðar hún svo "Alþingi ályktar að fela heilbrigðismálaráðherra að skipa 3 manna nefnd sem leggi fram ákveðnar tillögur um það hvernig best sé að veita athvarf og heilbrigðis- og félagslega þjónustu þeim börnum og unglungum yngri en 18 ára sem eru illa haldin, andlega og líkamlega, vegna fíkniefnaneyslu."

28. Febrúars 1985

FRUMVÖRPVisað til ríkisstjórnar:

1. Frumvarp um rétt foreldra til að taka sér launalaust leyfi frá störfum vegna umönnunar barna. Frumvarpinu var vísað til ríkisstjórnar vorið 1987. Það hljóðar svo "1.gr. Foreldri, sem beiðist lausnar frá starfi sínu til þess að annast barnt sitt, á rétt á að ganga aftur að sama starfi og sömu kjörum allt að tveimur árum frá fæðingu barnsins. Sé um fleirbura eða fötluð börn að ræða framlengist þessi réttur um eitt ár til viðbótar. 2.gr. Akvæði þessara laga skerða í engu ákvæði gildandi laga um fæðingarorlof."

Rétt er að benda á að þó að málum sé vísað til ríkisstjórnar felur það ekki í sér að framgangur þeirra sé tryggður, heldur einfaldlega að þingmenn telji að málið sé þess eðlis að ríkisstjórnin ætti að taka sérstaklega á því. Það er síðan komið undir ríkisstjórninni hvort hún gerir eitthvað í málinu.